

Numra telefoni të dobishëm dhe faqe internet

Në raste emergjence; Telefononi policinë, ambulancën, apo zjarrfikësin në numrin 999

Nëse jeni të frikësuar, të vetmuar, të shqetësuar, të trishtuar, hutuar ose keni nevojë për këshilla; Telefononi linjën e fëmijëve pa pagesë në 08001111 në çdo kohë.

Ose vizitoni www.childline.org.uk

Për mbështetje pa pagesë, këshillim dhe informacion veçanërisht për fëmijët nën kujdestari ose që jetojnë larg nga familjet ; Telefono në linjën këshilluese të komisionerit të fëmijëve; “Ndhima në dore” në 08005280731 (9 në Mengjes-5 Mbasdite posdrte, nga e Hëne deri të Premten) ose vizitoni www.childrenscommissioner.gov.uk/learn-more/help-at-handHelp

Nëse jeni të detyruar të punoni ose të bëni gjëra që nuk doni, nëse nuk jeni të lirë të largoheni nga vendbanimi aktual, nëse dikushi ju kercënon ju ose familjen tuaj, ose jeni të lënduar, ose dikush ju kontrollon në një mënyre apo tjetrën: Telefononi në linjën e ndihmës së Skllavërisë Moderne për këshilla në çdo kohë në 08000 121 700

Nëse keni nevojë për këshilla dhe mbështetje rreth të qënurit fëmijë azil kërkues i pashoqëruar; Telefononi në seksionin e fëmijevë në Keshillin e Refugjatëve në 020 7346 1134

ose dërgoni një letër elektronike në: children@refugeecouncil.org.uk

kërkoni për ndihmë afër jush : www.miclu.org/servicesmap

If you are an adult and you want to help a child who you think might have been trafficked or is in danger of exploitation, or if you would like to understand more about the asylum process, you can find useful information below:

NSPCC's Child Trafficking Advice Centre:

www.nspcc.org.uk

NSPCC have a helpline 0808 800 5000 and email too:

www.nspcc.org.uk/preventing-abuse/child-abuse-and-neglect/child-trafficking

Every Child Protected Against Trafficking (ECPAT):




www.ecpat.org.uk

Coram Children's Legal Centre – Migrant Children's Project:

www.childrenslegalcentre.com/about-us/what-we-do/migrant-childrens-project

Kush është Kush?


Pasi ju të arrini në Mbretërinë e Bashkuar (tutje MB) ju do të takoheni me shumë persona të ndryshëm. Por kush janë ata? Ky është një udhëzim që t'ju ndihmojë të kuptoni punët e ndryshme që ata bëjnë dhe se si mund t'ju ndihmojnë juve.



Kjo fletushkë është e caktuar për fëmijët të cilët arrinë në MB dhe po kërkojnë azil.

Kërkoni nga një person i rritur që të lexojë këtë me ju nëse ju nuk e kuptoni.

MICLU
Migrant & Refugee Children's Legal Unit



*Pse të mos e mbani
këtë fletushkë me ju
vele dhe t'i kërkon
njerëzit që takoni
për të treguar se
kush janë ata?*





Oficer për rishikim të pavarur

► Kush janë ata?

Oficieri për rishikim të pavarur (Ang.: Independent Reviewing Officer, IRO) bën të sigurtë që **Autoritetet Lokale** të përkujdesen siç duhet dhe bëjnë punën që u takon ndërsa juve jeni nën kujdesin e tyre. Oficieri i pavarur është përgjegjës për të siguruar që strehimi është i përshtatshëm për ju dhe ju jeni të **kenaqur**. Ky oficer është i **pavarur** dhe i **veçuar** nga shërbimet sociale.

► Çfarë bëjnë ata?

Oficieri i pavarur, duhet të kontrollojë që plani i përkudësimit tuaj të jetë i përshtatshëm për të **ardhmen** tuaj, që çdokush të dëgjoj se çfarë keni për të thënë dhe ta konsiderojnë me kujdes, dhe çdokush t'i përmbahet pjesëve të planit. Ju duhet të **takoheni** me oficerin e pavarur të rishikimit të pakten **çdo 6 muaj**.

Është shumë e rëndësishme t'i tregoni Oficerit të pavarur nëse ka probleme me përkudësimit që ofrohet, nëse ndiheni që punonjësi social nuk po ju dëgjon me kujdes, ose ka probleme që nuk janë zgjidhur akoma.

Njerëzit e prezantuar në këtë fletushkë janë të renditur sipas radhës që ju do t'i takoni. Ata të gjithë posedojnë role dhe përgjegjësi të ndryshme edhe pse ndonjëherë duket sikur ata posedojnë punë të njejta dhe janë të lidhur me njëri-tjetrin.

Disa persona, të prezantuar këtu në fletushkë duhet që të ndajnë informata rreth jush me disa persona profesional të tjerë, pasi që kjo i kërkohet nga përgjegjësitë e punës që ata bëjnë. Kjo ndodh vetëm që sëbashku të punojnë në mënyrën më të mirë për ju; të ju ndihmojnë dhe të përkujdesen për ju.



Disa persona, të prezantuar këtu në fletushkë duhet që të ndajnë informata rreth jush me disa persona profesional të tjerë, pasi që kjo i kërkohet nga përgjegjësitë e punës që ata bëjnë. Kjo ndodh vetëm që sëbashku të punojnë në mënyrën më të mirë për ju; të ju ndihmojnë dhe të përkujdesen për ju.





Përkthyesi


► Kush janë ata?

Detyra a një përkthyesi (Angl.: Interpretër) është që të siguroj që **të gjitha fjalët** që ju i thoni janë të **përkthyer qartë** në gjuhën Angleze ashtu siç ju i keni nënkuptuar, dhe t'i përkthejë të gjitha fjalët që i'u drejtohen ju në gjuhën Shqipe, në mënyrë që ju **të kuptoni**.

► Çfarë bëjnë ata?

Në **shumicën e takimeve** me persona, ka shumë mundësi që të jetë i pranishëm një **përkthyes t'ju ndihmojë juve në komunikim** dhe po ashtu ju **keni të drejtë** të kerkoni për një përkthyes. Përkthyesi nuk ka ndonje trajnim që të ju ofroje këshilla ligjore, dhe **nuk duhet të ju tregojë juve se çfarë duhet të bëni ose çfarë duhet të thoni**.

Nëse ju **nuk e kuptoni** përkthyesin tuaj, nëse ju mendoni se përkthyesi nuk po përkthen gjithçka, ose nëse keni ndonjë shqetësim tjetër atëherë ju duhet t'i tregoni dikujt. Nëse ju nuk ndiheni rehatshëm me përkthyesin tuaj për arsye të ndryshme, ju keni **të drejtën të kërkonti** për një përkthyes tjetër.





Terapist

► Kush janë ata?

Terapisti ose psikoterapisti (Ang.: therapist) është persono që ndihmon njerëzit si të menaxhojnë **stresin** ose **probleme** të tjera, në kohën që ata përjetojnë periudha të vështira. Nëpërmjet terapisë njerëzit mësojnë rreth vetvetes dhe zbulojnë si të tejkalojnë **vështirësitë** ose të bëjnë ndryshime në vetvete ose në situatat e tyre. Shpesh herë është ndjesi e mirë të kesh një person me kë të flasësh.

► Çfarë bëjnë ata?

Gjërat që të kanë **ndodhur në vendin tuaj**, ndersa udhëtonit në Mbretërinë e Bashkuar, edhe kur keni mbërritur këtu, mund të ju shkaktojnë **ndjesi të vështira**. Ju mund të ndjeheni të mërzhitur, të zemëruar dhe me vështicësi në të **fjetur**. Ju mund të ndieheni akoma të **frikësuar**. Duke punuar me një therapist juve mund të kuptoni ndjesitë tuaja dhe të mësoni si ti ndaloni që të ndikojnë negativisht tek ju. Kjo mund të ju ndihmojë të përqendrohni në jetën tuaj të përditshme dhe të ardhmen tuaj. Terapisti mund të jetë në gjendje të jap **evidencë** e cila mund të ju ndihmojë në **çështjen e azilit** nëse ju jeni dakort me këtë. Nëse ju ndjeheni që doni të flisni me një therapist pyesni punëtorin tuaj social, kujdestarin birësues ose perfaqësuesin ligjor/ avokatin.





Oficer / Punonjës Emigracioni

► Kush janë ata?

Roli i Punonjësit së Emigracionit (Angl.: Immigration Officer) është që të sigurojë që **ligjet e emigracionit** të MB janë duke u **ndjekur**. Punonjësi i Imigracionit posedon të njëjtat **fuqi si të një oficeri policie**, megjithatë ata nuk i takojnë policisë: ata punojnë për një pjesë të **qeverisë së Mbretërisë së Bashkuar** e quajtur Zyra e Punëve të Brendshme (Angl.: Home Office). Ata kanë përgjegjësi të sigurojnë mirëqenien dhe sigurimin tuaj.

► Çfarë bëjnë ata?

Kur ju të arrini në Mbreterinë e Bashkuar një punonjës emigracioni do të ju vendos në një vend të **sigurtë** gjatë kohës që ju e rimerrni veten tuaj pas udhëtimit. Punonjësi i emigracionit do të ju kerkojë informacion të thjeshtë si kush jeni dhe nga vini, dhe do të ju referojë tek një punonjës social, i cili do të cakohet për kujdesin tuaj. Ata edhe mund të regjistrojnë kërkesën tuaj për azil. Këta punonjës emigracioni nuk duhet që të ju intervistojnë juve në atë mënyrë që ju të merrni një vendim rreth çështjes se a dëshironi të qëndroni në Mbreterinë e Bashkuar apo jo, megjithatë ju gjithmonë duhet të jeni i sinqertë me ta dhe ata do të shkruajnë se ju çfarë thoni.



Be not afraid of greatness:
some are born great,
some achieve greatness,
and some have greatness
thrust upon them.



Mësues i caktuar



► Kush janë ata?

Mësues i caktuar (Ang.: designated teacher) është mësues në shkollë apo kolegji që ka **përgjegjësi** për fëmijët që janë nën kujdesin e autoriteteve lokale. Ata mund të mos ju mësojnë ndonjë lëndë edukimi. Ata mund të jenë paksa në dijeni të **situatës** suaj por mbase nuk mund të jenë në dijeni rreth gjërave personale apo rreth familjes suaj dhe pse ju jeni një fëmijë nën kujdestari.

► Çfarë bëjnë ata?

Mësuesi i caktuar do të **ndihmojë** shkollën apo kolegjin tuaj të ju **mbështes** si duhet në dhënie e ndihmës kundrejt teje, duke u siguruar që ju jeni të përfshirë si duhet në edukim dhe si jeni duke mësuar. Ata do të sigurohen që shkolla apo kolegji juaj kupton problemet që mund të **ndikojnë** në **edukimin tuaj** dhe do të mbajnë të shënuar ecurinë tuaj. Gjithashtu ata janë përgjegjës për "Planin Personal të Shkollimit" (**Ang.: Personal Education Plan, PEP**).

Një mësues i përcaktuar do të bisedoj rregullisht me punonjësin social rreth ecurisë tuaj në shkollë. Mësuesi i përcaktuar nuk duhet t'i tregojë nxënësve të tjerë që ju jeni një fëmijë nën kujdestari ose t'ju trajtojë ndryshe përpara tyre.





Punonjësi Social

► Kush janë ata?

Punonjës social (Angl.: Social Worker) është një person përgjegjës në ndihmë të fëmijëve në zonën e tyre locale. Nëse jeni i vetëm dhe pa përkrahje të familjës, atëherë autoritetet lokale kanë përgjegjësi për t'u kujdesur për ju. Ata do të bëjnë të mundur që juve të ju ofrohet një banesë e sigurtë, ushqim, veshmbathje, shërbim shëndetsor, shkollim dhe mënyra të tjera mbështetje si rrjedhojë e nevojave që mund të kenë. Kjo lloj ndihmesë perkufizohet si "Fëmijë nën Kujdestari" (Angl.: "looked after" ose "in care").

► Çfarë bëjnë ata?

Punonjësi social është i ngarkuar të marrë vendime rreth jush dhe përkujdesit tënd. Punonjësi yt social duhet t'ju **vizitojë** të paktën çdo 6 javë. Ata duhet të ju **dëgjojnë** me kujdes dhe të **perfshijnë dëshirat** dhe **ndjenjat** tuja emocionale në një plan të caktuar për shëndetin tuaj të përgjithshëm. Ata duhet t'i **shpjegojnë vendimet** e ndërmarra dhe të bëjnë të mundur që fjala juaj të dëgjohet dhe të mos bjerë në vesh të shurdhër. Ata duhet gjithmonë të caktojnë një përkthyes nëse ju nuk kuptoni gjuhën Angleze. Nganjëherë ju mund të kenë më shumë se një punonjës social sepse ata mund të ndërrohen. Mbajeni **emrin dhe numrin e kontaktin** të punonjësit social gjithmonë me vete.

Ju kenë **të drejtën për t'u mbrojtur** nga të gjitha llojet e dhunës fizike, dhunës mendore, shfrytëzimit ose neglizhimit. Nëse:

- dikushi ju lëndon
- një i rritur nuk kujdeset si duhet
- nëse dikushi ju detyron të punoni për ta ose ju detyron të bëni gjëra që nuk keni dëshirë
- Ju nuk jeni i lirë të largoheni nga vendi ku jetoni*
- Dikushi ju thotë se mund të bëjë keq ty apo familjës tënde
- Nuk jeni të lirë se ju i detyroheni diçka dikujt, ose jeni të frikësuar për arsye tjeter

... ka njerëz që mund të ju ndihmojnë, por ju duhet të besoni dhe ti tregoni dikujt. Ti tregoni punonjësit social, personit kujdestar, ose çdo personi në këtë fletushkë që ju ndjeheni rehat ose telefononi çdo njërin nga numrat.

* Ndonjëherë kur autoritetet lokale besojnë që ka një person të rritur në Mbretërinë e Bashkuar dhe kontakti i këtij personi me ty mund të jetë i rrezikshëm, atëherë ata mund të kufizojnë se ku mund të shkoni dhe kë mund të takoni për një periudhë të caktuar kohe që të ju mbajnë larg rrezikut. Ata duhet t'u shpjegojnë juve këtë. Nëse juve jeni të pakënaqur ose të çorientuar ju mund të flisni me përfaqësuesin tuaj ligjor/ avokatin, ose një person tjetër për këtë



Ju duhet të besoni edhe pse jeni në rrezik. Mbase ju ndjeheni që asnjëri nuk kujdeset për ju, ose ju nuk njihni njeri, por është dikush që kujdest për ju.

Të gjithë fëmijët posedojnë të drejta të barabarta

- **Të kesh të drejtat tuaja**
- E drejta për **strehim, ushqim, dhe veshmbathje**
- E drejta për tu **mbrojtur nga dhuna dhe abuzimi**
- E drejta të shikoni doktorin/dentistin dhe **të keni trajtimin mjekësor falas**
- E drejta për shkollim me kohë **të plotë dhe falas**
- E drejta për **të mos u izoluar**
- E drejta për **të gjetur familjen tendë**
- E drejta për **të mos u diskriminuar**
- E drejta për t'u **zhvilluar plotësisht** si individ deri sa të arrini maturinë

Fakt: Në sytë e ligjit të Mbreterisë së Bashkuar, një person është fëmijë deri ne moshën 18 vjeç. Autoritetët lokale kane për detyrë ligjore të kujdesën për një fëmijë pa familje, derisa ata të arrijne moshën 18 vjeç, dhe në disa rrethana ata të mbështesin përtej kësaj moshe. Prandaj fëmijët e pashoqëruar që kërkojnë azil në Mbreterinë e Bashkuar merren në kujdestari.





Kujdestari birësues

► Kush janë ata?

Kujdestari birësues (Angl.: Foster Carer) është një person që **hap dyert e shtëpisë** së tij që të ofrojë **përkujdes tek fëmijët që nuk kanë familje e cila mund kujdeset për ta.**

► Çfarë bëjnë ata?

Kujdestarët ofrojnë një strehim të sigurtë. Ata do të **kujdesen për ju** çdo ditë, do të ju dërgojnë në shkollë dhe do të sigurojnë përmbushjen e nevojave bazike si **veshmbathje dhe ushqim.** Kujdestari gjithashtu do të ketë kontakte me disa persona të tjerë të përfshirë në jetën tuaj si p.sh. me punonjësin social (Angl.: Social Worker), doktorin, **avokatin, dhe mësuesit tuaj.** Mënyra e tyre e jetesës në familje mund të mos jetë ashtu si jeni mësuar, por nëse e gjeni këtë të veshtirë është e rëndësishme të ndani ndjesitë tuaja sepse vetëm kështu ata mund të ju ndihmojnë.





Oficeri i Policisë

► Kush janë ata?

Oficeri i policisë (Ang.: police officer) është përgjegjës për të mbajtur popullatën të sigurtë, duke zbatuar ligjet e Mbreterisë së Bashkuar dhe duke investiguar krimin. Oficerët e policisë gjithashtu duhet të zbatojnë ligjin.

► Çfarë bëjnë ata?

Në rast rreziku ose për të raportuar një krim ju duhet të flisni me policinë sa më shpejtë që është e mundur. Thërrisni 999.

Nëse ju keni frikë të flisni me policinë ose nuk dëshironi që t'i jepni të dhënat e juaja personale atëherë flisni me një person tjetër të cilit ju i besoni. Krimet gjithsesi mund të raportohen edhe pa dhënë të dhënat tuaja personale.

Ligji mbi krimin në Mbreterinë e Bashkuar mund edhe të jetë ndryshe nga ligji mbi krimin në vendin tuaj. Për shembull, ju mund të gjobiteni nëse hidhni një cigare në rrugë. Pyesni punonjës social ose një person tjetër të ju ndihmojë juve t'i kuptoni ligjet me shumë.

Nëse ju jeni akuzuar për një krim, atëherë ju keni të drejtë të keni një avokat me ju, ndërsa jeni intervistuar nga një oficer policie.

Nëse një person tjetër ju ka detyruar juve të bëni një krim atëherë ju jeni viktim, dhe në këtë rast juve ju duhet ndihmë dhe mbrojtje.





Infermiere e përcaktuar për femijët dhe praktikant i pergjithshëm (Mjeku i lagjes apo komunës)

► Kush janë ata?

Infermierë e përcaktuar (Angl.: Designated Nurse) është infermerja që **kupton problemet dhe shqetësimet** e femijëve të përkujdesur nga shërbimet sociale. Ata do të bashkëpunojnë me punonjësit sociale që të bëjnë të mundur plotësimin e nevojave tuaja shëndetsore.

Praktikant i Përgjithshëm (Angl.: General Practitioner, GP) është **mjeku i komunës** që siguron **trajtime keshilla** mjekësore për popullatën e një zone apo komune të caktuar.

► Çfarë bëjnë ata?

Infermieri/a e përcaktuar ka për detyrë të ju ekzaminojë dhe të sigurohet nëse juve keni ndonjë problem të mundshëm mjekësor. Ky quhet "ekzaminimi i parë" (Angl.: "first assessment"). Ky takim duhet të caktohet sa më shpejtë të jetë e mundur pasi që ju të keni **arritur** në MB. Ju mund të lini takim me **doktorin** pa pagesë nëse keni ndonjë problem shendetësor ose kur ndjeheni **të trishtuar** apo keni **probleme me gjumin**. Ju **nuk keni** nevojë të paguani për trajtimin shendetësor në Mbretërinë e Bashkuar përfshirë takimet tek dentisti dhe okulisti.

Mos keni frikë të tregoheni të **sinqertë** me infermierën apo doktorin rreth **problemeve** që po kaloni. Infermierja e juaj e përcaktuar mund t'ju bëjë të mundur caktimin e një përkthyesi që mund të ju shoqërojë në takimet tuaja.





Oficeri i Zyrës së Brendshme caktuar vetëm për çeshtjën tuaj

► Kush janë ata?

Oficeri i zyrës së brendshme për çështjen tuaj (Angl.: Home Office Case Worker) do t'ju **bëj pyetje rreth kërkesës suaj për azil** në formën e një interviste, do të **egzaminojë** të gjithë **evidencat** që ju ose avokati juaj do të paraqesë në lidhje me çështjen tuaj dhe të krahasojë këtë me **informacionin** dhe **udhëzuesin** qeveritar. Ata do të përdorin të gjithë këtë informacion për të marrë një vendim rreth **lej qëndrimit** që mund të ju jepet për të **qendruar** në Mbretërinë e Bashkuar.

► Çfarë bëjnë ata?

Është e rëndësishme që t'i jepni oficerit të çështjes tuaj **sa më shumë informacione** të jetë e mundur rreth çështjes suaj të azilit. Oficeri i çështjes tuaj duhet të ju bëjë të ndiheni mirë dhe t'ju ndihmojë juve të shpjegoni çfarë ka ndodhur duke bërë pyetje dhe duke dëgjuar përgjigjet tuaja. **Mos u frikësoni** t'i tregoni oficerit për çdo gjë që ju ka ndodhur - nëse ju nuk i tregoni ata nuk kanë ndonjë mënyrë magjike për ta ditur. Është gjithashtu shumë e rëndësishme të tregoni gjithmonë të vërtetën dhe të tregoni kur nuk e dini pyetjen ose nuk jeni të sigurtë rreth përgjigjes. **Vendimi i oficerit nuk është perfundimtarë** sepse ju mund të keni të drejtën për apelim (Angl.: appeal).

Nëse juve jeni referuar tek “Mekanizmi i Referimit Kombëtar” (Angl.: National Referral Mechanism, NMR) atëherë një oficer tjetër emigracioni do të vendos nëse juve jeni i trafikuar apo jo. Ky vendim duhet të jetë i veçuar, por informacioni për secilin vendim mund të jepet ndërmjet oficerëve të ndryshëm të çështjes.





Më bën të njëjtat pyetje, dhe u ndjeva sikur nuk më besuan. Duhet të flasësh rreth çdo gjëje me lehtësi. Por disa herë mu desh ta detyroja veten.

Ju mund të shkoni përgjatë intervistave të ndryshme me individ të ndryshëm, që mund të jetë frustruese. Tregohuni të duruar.

Nëse keni ndonjë vështirësi në të përgjigjur, nëse ndjeheni të frikësuar, turpëruar, jo mirë, ose nuk mbani mend, ju mund të shpjegoni këtë. Është normale të thoni "nuk mund të flas për këtë tani".

Nëse nuk thoni gjë, atëherë personi intervistues nuk mund të jetë në gjendje të dije këtë, dhe është e rëndësishme që ata të kuptojnë.





Person i duhur ose Përgjegjës

► Kush janë ata?

'Person përgjegjës' (Ang.: Responisble adult) ose "person i duhur" (Ang.: Appopriate adult) është një person përgjegjës për **të mbrojtur të drejtat** dhe **mirëqeniën** e femijës gjatë intervistimit.

► Çfarë bëjnë ata?

Një i rritur i përshtatshëm do të ju shoqërojë juve në intervistë si p.sh. **intervista e azilit**, intervista e përcaktimit të moshës që është një proces formal për të **përcaktuar moshën tuaj**, ose interviste policie. Ata do të ju sigurojnë mbështetje të pavarur, duke bërë të mundur tërheqjen e vëmendjes së intervistuesit për sa i përket nevojave tuaja, duke u siguruar që ju të kuptoni se çfarë po ndodh dhe jeni në gjendje të komunikoni. Një person përgjegjës mund të jetë **kujdestari juaj biresuës, punonjësi social, një punonjës i organizatës mbështetese së refugjateve, ose një kujdestar i juaji**, por ai duhet të jetë një person që ju e njihni dhe i besoni.

- Mos u shqetësoni se dikushi mund të zemërohet me ju ose nëse mendojnë që ju po bëheni i vrazhdë
- Nëse ju keni vështirësi në të kuptuarit e rregullores së shkollës ose në shtëpinë strehuese - Pyesni



Mos keni frikë! Këta njerëz janë këtu që të ju ndihmojnë juve. Mundohuni që të jeni sa më të hapur që është e mundur me ata, sepse kjo e lehtëson punën e tyre që të ju ofrojnë ndihmë më lehtë.

Qëndro i fortë, për çfarëdo qoftë arsye. Nëse shikoj mbrapa, çdogjë stres apo shqetësim që mund të mërzhise, puno më shumë sepse unë për pak u dorëzova. Edhe pse gjerat duken që shkojnë keq, nuk është fundi.



- Është e rëndësishme të ndani informacione dhe të jeni të sinqertë
- Bëni sa më shumë pyetje që të jetë e mundur dhe bëjeni me dije nëse nuk jeni dakort me ndonjë gjë



Avokati/ perfaqësuesi ligjor

► Kush janë ata?

Avokat është një person që **i di dhe i kupton ligjet**. Një avokat i emigracionit është person i specializuar në ligjet që Zyra e Brendshme (Angl.: Home Office) do të përdor për të marrë një vendim rreth aplikimit tuaj për azil, por gjithashtu ka avokatë të cilët janë të specializuar, në **ligjin mbi krime, ligjin për familje**, dhe ligjin për shërbime sociale.

► Çfarë bëjnë ata?

Avokati punon për ju. Avokati do të ju ndihmojë të kuptoni se çfarë do të ndodhë me ju ndërsa ju shkoni përgjatë procesit të azilit, dhe si **ligjet** dhe **procedurat** e ndryshme mund të aplikohen në çështjen tuaj. Që të jenë në gjendje të bëjnë këtë ata duhet të jenë në dijeni se çfarë ju ka ndodhur. Ata duhet të dëgjojnë se çfarë keni për të thënë.

Ata do ta kenë të nevojshme të ju **takojnë disa herë** ndërsa janë duke përgatitur çështjen tuaj të azilit, kështu që ata mund të arrijnë të kuptojnë në detaje të plota se çfarë ju ka ndodhur. Nëse ju nuk e kuptoni avokatin tuaj, ose keni frikë apo turp të flisni me të, ju duhet t'i tregoni një personi tjetër. Ju mund të jeni në gjendje të punoni me një avokat tjetër.

Avokati duhet të jetë në gjendje të identifikojë detaje të **eksperiencës tënde** që janë të rëndësishme për çështjen tuaj të azilit. Ata duhet të ju shoqërojnë në të gjitha intervistat formale me oficerët e emigracionit ose policinë dhe të sigurojnë që ju të **dorëzoni informacionin e kërkuar në kohë**.

Avokati **nuk duhet të kërkojë shpërblim financiar** për të punuar në çështjen tuaj të azilit. Ata mund të bëjnë një aplikim në emrin tuaj tek një agjenci qeveritare kundrejt një pagese e quajtur “ndihmë juridike”, për të përgatitur çështjen tuaj, por kjo nuk do të thotë që ata punojnë për këtë qeveri.

